

# KI MAÑI YOO?



Ufuyolwe, muzwale. Kihande luli kutaha kwa ndu ya Mulena.

<sup>2</sup> Ni sepa kuli Ne ni sweli kubala Mañolo, nako yeñwi yefelile, mi Ya bulela kuli Jesu ha sutelela kwa Jerusalema, kuti balutiwa ba inula meto a bona mi ba bona munzi o kenile utahela fahule, ki ha ba kala kuba ni tabo ni, kubulela, kuli, “Cwale kikuli mubuso u ka kutiswa.”

<sup>3</sup> Mi muuna yomuñwi yana bulela yoo, kamba kuambola za kupota kwa hae kwa Palestine, mi abulela kuli batu cwale, ñohola, ha na sutelela kwa sibaka sateni, ha ba zwa mwa libala ni kutalima mwa mukulo, yona nzila yeswana yeo Jesu ni balutiwa ne ba zamaile, ha ba yo bona munzi, ba kala kulila.

<sup>4</sup> Mwa ziba, Na lumela, nekuna ni sesiñwi balutiwa bani, mwa mazazi ani, se ne ba utwile, kuli—kuli mubuso ukone ku kutisezwa hape.

<sup>5</sup> Mi cwale nako se ili fakaufi. Mi Ni lumela kuli ao kona maikuto obana ni sicaba, kuli mubuso so li bukaufi ni ku kutisezwa hape.

<sup>6</sup> Muzwale Neville, mulisana waluna yomunde mi ya fuyozwi, ubulezi fela kuna ka za ancafazo yetaha kwanu kwa tabernacle, mwa masihu alikani, ka za kulapela kayona. Mi Na mu bulelela kuli, Ni sepa ikaba mbuyoti.

<sup>7</sup> Hamukoni fela kuba ni ku ancafaza kokuñata. Mi linako zeñata lubanga ni maikuto a fosahalile kuama ancafazo. Ancafazo ha ki kutisa ma membala babanca, kono ki ku ncaafaza bo lunani kale mwateni. Mi Nina . . .

<sup>8</sup> Ni tabela kubulela cwana, kakuli Ni bulela cwalo ka kuzwelela kwatasi a pilu yaka. Kuli Ni kala kuba ni maikuto a shutana mwa tabernakele kufita abileteñi fa nako yetelele, ki maikuto a—a zibo yebukiti ya moya, inge mo ne kubelanga, linako za kale; kuli sesiñwi se si katulusa, mi ki sa mutomo wa niti. Mi Ni sepa kuli Mulimu uka fuyola keleke nyana ye, mi . . .? . . . hape mwa mata a yona.

<sup>9</sup> Mi Ni bona musebezi wa kuyaha oezahala, mi Ni sepa kuli yani ki nto yende. Kakuli, cwanoñu fela fa, luna ba bahulu lu ka nga lilwaniso ni ku tambeka mwa mazoho a bana ba luna, ni kuya kupahama Nzila ya gauda yekambama yani.

<sup>10</sup> Zazi leliñwi Ne ni fitelezi fa kalulo ya fahali yani cwale, ya myaha ye mashumi a ketalizoho ya kupepwa. Ha ni sa hupula fela zeo. Ha ku bonahali kuli kufitile nako fani inge Ni sa lwalanga libyana za kulekisa za bo Chris Meisner, mwendi ki eitini, sikisitini, myaha ye eitini ya kupepwa. Kono i icongile fela.

Si bonisa fela kuli fa haluna munzi wa mbuwa o ina kamita, kono lu bata Wani o sa taha. Mi wani kona Munzi koo Mulimu ki yena muyahi, mi teñi kwani hakuna kuba mafelelezo.

<sup>11</sup> Kacenu kakusasana, hane Ni sweli kuambola fa tuto ya Lizazi la Bahame, ni kulika kubeya me kushutana ni mwainezi luli, mwa busupali, ni mañonde, ni lika kaufela, milamu ya hae, kamba sipula sa kale sa mawili, kamba sipula sa kuputa, ni poto nyana ya lipalisa yebeilwe bukaufi ni yena; kono me mwa zuho, ya kutisizwe kwa bunca bwa hae, ni kuyema, inge abenya sina mufumahali wa mulena. Kona mo Ni latela kunahanela boma cwalo. Ha ni tabeli kuba nahanela inge mo ba inezi kacenu, basupali. Ni tabela kunahana ka ze sa taha. Mi Na ziba mo mu ikutwela ka bomaa mina. Muba nahane ka mo ba inezi mwa pilu yabona. Ni haikenge buñata . . . sina muloki ya naize, “Bupilo ha bu si ka ba bela bunolo, kono ba pilile hape, kuli ba ku ezeze sika.” Konakuli Mulimu uka li eza kuli bapile kuyakuile ni mina. Kacwalo Ni itumezi ka seo.

<sup>12</sup> Ha Ni zibi libaka, le Ni bulelezi cwalo, kakusasana cwana, le Ni ka bulela busihu bo, haiba Mulena alata, kaza: *Ki Mañi Yoo?* Mane ha ni zibi mo Ni ka ezeze zateni. Kono Ni bile ni pateha konji mwendi hola kamba mizuzu yelishumi yefitile, bakeñisa lipuzo musihali kaufela, mi nelina ni zeipitezi ni—ni lipizo za putako. Ni palezwi kuli kwanisa.

<sup>13</sup> Mi Ni bata kuli muzwelepili ku lapelela Dokota Sam. Usweli—usweli kuba hande, mi lu itumezi. Mi Dokota Baldwin ni musala Bo. Baldwin bubeli bwabona basweli kupañata cwale. Basweli kufola hande.

<sup>14</sup> Ni bata kuli mubeye alimuñwi fa mabizo a litapelo, musihali cwana. Yoo ki Harry Lease kulo kwanu, mulekisi wa milyani. Harry ki mulikana ka luli. Mi haibile fela Na mu ziba, Ni hupuzi kuli ki Mukreste, kufitela musihali wo, muzwale wa hae ukupile puluso ya moyo wa hae. Muzwale Mike Egan utisize . . . musepahali waluna kwanu, ulu tiselize liñusa. Mi Harry u mwa buino bo bu maswe, kwani kwa sipatela. Ne ni sa zibi kuli u ni hupulelanga zende zekuma foo; kono, u hanezi mulisana wa hae, musihali cwana, kamba mulisana wa keleke ko ayanga, mi na bata kuli nitahe ni mubone. Mi Ni bata ku mubona. Kacwalo, ni lapelele Harry.

<sup>15</sup> Lu tabile moo, busihu cwana, ka kulemuha, kuli balikani baka babaliteni mo, yazwa kwa Georgia, Muzwale Welch Evans ni lubasi lwa hae. Na bona, hape, bapoti babañwi bo ne Ni sa zibi, ni yena naliteñi kakusasana cwana mo.

<sup>16</sup> Haiba ha Ni si ka fosa, Ni bona Muzwale ni Kezeli Elmer Collins kwamulaho kwani, yazwa kwa Phoenix, Arizona. Oh, ha u si ka cinca. Kubonahala inge kuli u sa apezi liapalo za kwa njanji, mi—mi uzwelela mwa nzila yamwa mushitu. Mi uamuhezwi mutamboke kwa lapa! Hanikoni ku ku bulelela kuli

uine kwanu, kakuli ufumani sibaka sesinde, mwabona, zeo ki zende luli, Phoenix. Nitabela kupila kwani, zazi leliñwi, na kasibili.

<sup>17</sup> Mi cwale Ni bona Muzwale Smith fa, wa Church of God, kwande kafoo. Muzwale Smith, na ni file, kabuka nyana, zazi leliñwi, kamba maabani musihali, ha se liyo bata. Ha ni si ka kabala kale fateni, kono luli Ni ka i lumeleza, haibile fela Ni ziba kuli kiwena ya ka ñozi. Ka lukela kuba ka niti, Mañolo aniti. Mulimu aku fuyole. Mi Ni sepa kuli ki tuto.

<sup>18</sup> Ni babañata babañwi cwalo, bo Ni kona kubulela. Kaufela mu amuhezwi kwanu kwa tabernakele. Mi ne Ni ikozi pina yani, kakusasana kacenu, ya Kezeli Striker yene bulela kuli, “U sweli kotalima mwa miloho, ku yena.” Mizwale baka ba Mennonite mo, ki tabo kuba ni bona mwahali. Mi, oh, kaufela mina! Mulikani mo, Na lumela, yazwelela kwa Illinois, mwana hae wa mushimani usweli kurekoda kwa mulaho, ni ka ba bona hape. Mi babañata hahulu, Na kona. . . Musike kunahana kuli Na mi nyanyifaza ha ni sa bizi libizo la mina, kono Na mi amuhela kaufela mina.

<sup>19</sup> Cwale ha lu baleñi busihu boo, kwa palo ya Liñolo, kuzwa mwa Mateu kauhanyo ya 21, kukala ka timana ya 1, ni kubala kushetumuka, ni 11, hamoho cwalo.

*Cwale ha ba sutelezi kwa Jerusalema, kwani bataha, ni kutaha kwa Betefage, kwa lilundu la likota za Olive, mi Jesu aluma balutiwa bababeli,*

*Ali kubona, Mu ye mwa munzi o mutalimile, mi kapili mu ka fumana kambongolo ka ka fungilwe ni mwan'a kona: mu tu bofulule, mi mu ni tiseze tona.*

*Mutu ha ka mi buza taba, mu bulele kuli, Mulena wa tu tokwa; mi kapili uka tu luma.*

*Taba yeo i ezizwe kuli kuezahale se si bulezwi ki mupolofita, ha li,*

*Mu bulelele. . . mwana musizana wa Sione, Muli, bona Mulena hao ki yo utaha ku wena ili ya musa. . . apahami fa kambongolo, kana ka mbongolo.*

*Mi balutiwa ki ha baya, ba eza sa na ba bulelezi Jesu,*

*Ba tisa kambongolo, ni mwan'a kona, ba yala liapalo za bona ku tona, mi ba inisa ba mu inisa fateni.*

*Cwale undi wa nyangela bwa yala liapalo za bona mwa nzila; mi babañwi ba lema matakua a likota, ba yala mwa nzila.*

*Mi buñata bo bu zamaya kwapili, ni bo bu latelela, bwa huweleza, bwa li, Hosanna ku mwana Davida: Ku lumbekwe ya taha ka libizo la Mulena; Hosanna kwa mahalimu a kwahalimu.*

*Cwale ha kena mwa Jerusalema, munzi kaufela wa yema maefe-efe, mi ba li, Ki mañi yoo?*

*Mi buñata bwali, Ki Jesu mupolofita yazwa kwa Nazareta...*

Halu inamiseñi litho zaluna kwa tapelo.

<sup>20</sup> O Mulena, ha lu zibi fela ze ne luka bulela, kambe ne lupila mwa mazazi ani. Kono lupila mwa lizazi le lituna mane, mo lusweli ku Mu libelela kuli atahе. Mi halunze lu i tukisa cwalo, Mulena, lu lukise lipilu zaluna, ni kutisa teñi mañata kaufela olukona ku bubula mwa masimu a kutulo, mwa hae ni kwahule, lu nahana ni ka kupuzo ya nako ye lu ka Mu bona inza taha, apahami fa pelesa yesweu, a zwa kwa makamba a Kanya, ku to cinca ni kufetula mibili yaluna ye bola yee, kutaha mwa mubili oswana ni wa Hae luli, kokusike kuyoba sibi kamba neba sisupo sa lifu se si ka yo kena. Mi lu ka Mu bona ka Mwa inezi, ni kupila, ni ku Mu lata mwahala masika kaufela a sa taha.

<sup>21</sup> Lwa itumela ku Wena kwa keleke ye ni mulisana wa yona, ni kwa basepahali ni madikoni, mi ku mutu kaufela ya taha mwahali mo; ni kwa baenyi babali mwahali ku luna, kona lingu za mutapi oswana, kono li mwa mulaka usili. Lu kupa kuli U li fuyole, busihu boo, ka Kubateni kwa Hao.

<sup>22</sup> Mi lufepe ka Linzwi la Hao, kuli lukone kuzwa mo, busihu boo, ka mayemo akuba Bakreste babande kufita mo lubezi. Lu zamaye ni sepo yenca mwa lipilu zaluna, ni tabo, lunze lu libelezi Kutaha kwa Hae.

<sup>23</sup> Haiba ka mukwa omuñwi ku kaba babañwi mwahala luna, ba bakula ni kuziyeleha, haluna kulibala ku ba lapela kwateni. Kuli bakone. . . Kutaha mwa muyaha, busihu boo, mo lu putehanezi ku to kulapela, batahile, inge bakula, ha ba ye inge bafolile.

<sup>24</sup> Mi lukupela baba sweli kufola kwa matuku, mwa malapa ni mwa lipatela, ni babali mwa mimbeta ya makulano. Lwa lapela, O Mulimu, kuli sishemo sa Hao si ba fitele ni bona.

<sup>25</sup> Lu lapelela baba sa isezi ngana kwa lika, busihu cwana, baba si ka tatuba kale ni kubona kuli Mulena ki yomunde, baba sa zibi taluso ya ku latiwa ki Mulimu. Ha ba utwisisi fela se ba tonda. O Mulimu, mi manzwi amañwi fa silimba, kamba nzila yeñwi cwalo, iswale lipilu zabona, mi maikuto abona afetuhele ku Wena sikwalo sa sishemo si si ka kwaliwa kale mi bakwalelwa kwande, kuli bayemele katulo kusina sishemo.

<sup>26</sup> Lu tuse, Mulena. Litaba ze lu li lapela ka Libizo la Mulena Jesu, ni kwa kanya ya Hae lwa kupa. Amen.

<sup>27</sup> Sicaba ne si sinani maswe mwa minyako, mane mikwakwa ne ili fela maefe-efe, mane nekusina neba sibaka sa kulobala sicaba. Ne ba lobezi fande a limota, mwa mubu maneku kaufela, kakuli ye neli paseka. Mi sicaba ne si zwa kai ni kai mwa lifasi,

ku to lapela ka nako yee. Neli nako yeo ngunyana ya paseka ne i tabilwe. Mi ni. . . Ne i yemela tukuluho yabona kuzwa mwa Egepita, mwa bukoba. Mi ba buluka cwalo, mwaha ni mwaha. Silimo ni silimo, paseka ya silimo se yanga sibaka. Mi neli iliñwi ya zeipitezi luli mwa linako za. . . kamba likezahalo bulapeli bwa Sijuda, kakuli ne i talusa nako yene ba lukululwa.

<sup>28</sup> Batu kaufela balata kunahana ona cwalo, nako ye ba lukuluha. Kuli mane ufi wa luna kaufela, busihu boo, lwakona kukuta kwa mulaho mwa nako ye lu lukululwa! Seo nako ne i talusa kuluna!

<sup>29</sup> Na hupula mwa kutwisiso yaka luli, ka mo pilu yaka ya bwanana fela mo ne ilatela kuswalela Mulimu. Na hupula kuli, “Oh, kambe Ne ni ka ngongota fela fa sikwalo sa Hae, ni kuambola ni Yena hanyinyani fela!” Mi, eni sha, mwa ziba likande laka. Ne ni ngile pampili ni potoloto, mi neniya kwa ku Mu ñolela liñolo, kakuli Ne ni sa koni kuambola ni Yena. Mi Ne ni ziba kuli Na pilanga mwa mushitu, kakuli Ne ni Mu utwile, mi Ne ni boni kuzayama kwa Hae mwa likota za mushitu. Mi neli—neli kanzila kaka zibahala hande ka kale ke ne Ni fitanga ha ne Ni yanga kwa kuzuma ni ku yo shuta. Na hupula kuli, “Ni ka li ngongotela fela fa kota, ni ku li ñolela ku Bo. Jesu.” Ka mukwa fela omuñwi kuli mutiyo wani uzwe fa pilu yaka.

<sup>30</sup> Oh, busihu bwani, inge nili kwani! Nakona kulibala siyemo saka, Nakona neba kuliba libizo laka linako zeñwi, kono ha Ni koni kulibala hola yani ha Ni lamulela kwa sibi. Sesiñwi sa ezahala, mwahali ku na, se si ni tusize mwahala liholo zetuna mwa lififi. Hola ya tukuluho yaka, buima bwa sibi bwa ni siya, mi Na ba mutu yomunca. Ni bile sibupiwa sesinca ku Krete Jesu, kuzwelela ona fani.

<sup>31</sup> Mi Majuda ba, ba taha, mwaha ni mwana. Mi nekuna ni—ni siliba mwa keleke. Mi ki ha banga ni—ni sinkwa, ni miloho yebaba, ni ngunyana, mi banwa mezi a siliba se mwa keleke. Mi ba nyakalala hamoho kakuli Mulimu na ba bonisize muhau. Kacwalo, ye ka kuba paseka, mi ne si fela paseka, kono neli paseka ye ipitezi.

<sup>32</sup> Mwa ziba, kuna ni ze lu yelanga kwa keleke mi. . . Kamita lutabelanga kuya, kono kuna ni linako zeñwi fo kuezahalelanga nto yeipitezi.

<sup>33</sup> Mi ye neli iliñwi ya linako zani. Moya no fukile hande za ngana ka tibeledo yetuna, inge fela mo kuinezi kacenu. Meto kaufela ababa Mu lata na Mu libelezi kuli atahe mwa munyako.

<sup>34</sup> Mi Ni lumela kuli kinto yetuna ni kacenu, ku baba Mu lata mi ba Mu libelezi. Moya u zwakani ka tibeledo.

<sup>35</sup> Kanti, lupila mwa lizazi lee, foo lifasi halisweli kuba, fela sina musili mwa koma yetuna. Mi sayansi ilu bulelela kuli, “Seli fela mizuzu yemilalu kuli ibe fahali a busihu.” Mi Ni ziba hande kuli nemusweli kubala, sina Na, zazi leliñwi, likande

lani la ndwalume yo mwa bu licimende, yanaize, kuli, “Haiba nekukaba ndwa yeñwi, neikaba fela ka mizuzu yemibeli kihona.” Mazazi a kale a kulwana, ni ku kunupa litobolo, ni kukata misimaya mawawa, yefumaneha kai ni kai afelile. Ba bulela kuli ndwa yetatama ikaba fela mizuzu yemibeli kamba yemilalu. Zazi leliñwi, mutu yomuñwi ya sa nahani hande uka fasula sikwahezo ni ku tibulula iliñwi ya lindalamiti zani. Mi ha ka eza cwalo, luna ni ze lu lemusa, kai ni kai, kuli likone ku li kunupa hape kwateni. Lifasi halikoni kupila ka seo.

<sup>36</sup> Mañi ni mañi kwa paseka na ziba kuli kuna ni se si na ni kuezahala, kono ne ba sa zibi fela kuli ki sikamañi.

<sup>37</sup> Mi kona mokuinezi ona cwalo kacenu. Buñata bwa mañi ni mañi wa ziba kuli kuna ni sesi lukela kuezahala. Mañi ni mañi u ziba cwalo. Wakona kuambola ni muezalibi, wakona kuambola ni mulekisi, wakona kuambola ku mutu ni ufi kaufela, mi, oh, ki nako yesabisa maswe mwa lifasi.

<sup>38</sup> Kono wakona kuikambota ni muuna kamba musali yalibelezi kutaha kwa Hae, mi kanya i fa sifateho sa hae, mi ya benya. U libelezi kezahalo tuna yani. Kacwalo moya kaufela u futumalile hape, ku libelela taba yeñwi kuezahala. Lifasi ha li zibi se si nga sibaka, kono haili Keleke ya Mulimu yapila ya ziba se si sweli kuezahala. Ba ziba kuli cwanofu tolombita ika lila, mi lu ka Mu bona ha taha, apahami kuzwa mwa Kanya, fa pizi yesweu, mi limpi za Lihalimu li Mu taha mwa mulaho. Mi baba shwezi ku Krete ba ka ngelwa mi ba kambame ku yo Mu katanyeza mwa mbyumbyulu. Kona ze lu libelezi. Lu otakaleza zona hakalo.

<sup>39</sup> Mi lu bulelelwa kuli mioyo ya bahame bani, ni babañwi cwalo, bo lu bulezi kakusasana cwana, mwatasi fela aletare ya Mulimu, basweli bahuwa bali, “Kukanga nako yekuma kai, Mulena? Ki nako yekuma kai?” Bomaho babata ku kubona sina wena mo batela ku ba bonela. Mi balatiwa ba luna batabela ku lu katanyeza sina luna mo lu batela kuba katanyezeza.

<sup>40</sup> Ha ki kukopana sinca ni koo mo kukabela, Ha taha! Ku yo katanyeza balatiwa baluna ni kuba bona mwa mubili wa zuho, ni kufiwa kanya, ni kuzamaya hamoho ni bomuca sanda ba zuho, inge ba tokomela mikwa yabona, mo i cincelize, musa ni kuishuwa. Mi haina kuba butata bobutuna ni mabote, ni kutula ni kumbambala, kakuli luna kaufela luka pila Kuyakuile hamoho.

<sup>41</sup> Oh, lusika lo lwa bupulumuki mo lupila, mane ha kusana nako ye siyezi, ki kupahama fela, ni kunjanja, ni kuhohana, ki lizazi le lisabisa.

<sup>42</sup> Mi, hane ba libelezi taba yeñwi kuezahala, neli nto yemaswe luli kuli buñata bwa bona kwa paseka kwani ba Mu bona. Ibo, ba ziba kuli sesiñwi sina ni kuezahala, kono niteñi ne ba si ka Mubona.

43 Kona mo ku kabela ni Kutaha kwa Mulena. Kuna ni batu babañata baba tokwile pumulo, kacenu, baba ziba kuli sesiñwi si libelezi kuezahala, kono haba—habana ku Mubona. Kakuli Uka taha mwa kukuza kwa fahala busihu, kuli angele Keleke nyana yani yenyolezwi ni kulibelela ni ku kulubela ku Mubona. Ona bao kona Ba tahela ku to shimba. Buñata bwa lifasi ba pila mwa muelemba, ni ku nyakalalisa mioyo ya bona ka lifasi, habana kuziba ze ezahalile kufitela Keleke ha se ile mwa Kanya, kakuli Uka taha sina lisholi la busihu ni ku to bangela. Kacwalo lubona kuli lukutile hape mwa sibaka sesiswana. Cwale lufumana cwana, kuli, tibeledo ye, kuli Mulimu utaha ku bona bao. . . Mwahala Mañolo kaufela, ibile nto yeswana. Kuli bakone ku. . . Yena ubonahalanga fela kubona babba Mu libelezi, kamita ki bona baba bata ku Mubona. Mi Ni ziba hande kuli yeo kona sepo ya lipilu zaluna busihu boo.

44 Seli likweli ze silezi cwale kwa mulaho, Na sepa, Ne ni sweli kuikabela bupaki ni batu babañwi. Mi se Nili, “Oh, ku nahana ka zona, kikuli ka nako ifi kaufela Uka taha!”

45 Ni sene si ni tiselize kubulela cwalo, Ne ni bulela ka Muzwale Bosworth. Ha ne Ni ilo bona mulumeli wa mucembele yani, hane lu utwa kuli uya a shwa, wa myaha ye eite-bukana ya kupepwa, musala ka ni Na neluya kwa. . . ni ku yo mubona asika shwa kale. Ne ni iloba mwa bulelela fela taba yeñwi. Ni tabalenga kubona balumeli habakena mwa Kanya, mi Na yo mubona. Mi lwa wela nzila ka lubilo lwa mataya a mota.

46 Kono ha Ni yo fita kwani, ni kukitimela kwa munyako, mwa muzuzu olikani fela neku lobezi yena mupatriareka yani ya mucembele. A inula toho ya hae ha ni bona inge ni taha. Mazoho a hae, a supezi na nyendaela kusina mata, ni nama inge ilepelela. Mi a otolola mazoho a hae kuna. Mi Na mu kumbatela mwa mulala ni ku huwa nali, “Bo ndate, bo ndate, likoloi za Isilaele, ni bapahami ba zona,” kakuli nali muuna wa bulapeli, muuna wa bumulimu.

47 Mi Na li, “Muzwale Bosworth, Ni bata ku kubuza nto yeñwi. Kana ulumela kuli uka ba hande?”

Ki hali, “Oh, Na mane ha ni kuli.”

Na li, “Kihande, ki butata mañi?”

48 Mi ali, “Ni ya kwa Hae.” Ki hali, “Ni katezi, mi Ni botehile luli. Mi Ni bata fela kuya kwa Hae.”

49 Na li, “Konakuli wa ziba kuli wa shwa?” Na li, “Ni bata ku kubuza nto yeñwi. Kwa mulaho mwendi lilimo ze sebente-bukana cwalo za bulumiwa, ki ufi muzuzu onebile bunnde hahulu ku wena? Wakona ku ni bulelela kana, muñaka, mi u ni bulelele maikuto onobile ni ona, kutaha cwalo mwahala nako, kuli kambe no ka bala lihola za hao zende-nde.”

50 Ni ka pila kubona kusupala kwa hae, Hanina kulibala, meto a mansu ani a to ni talima, fahalimu a magilasi ani. Ki hali, “Muzwale waka yomunde, ye kona nako yende hahulu mwa bupilo bwaka. Ha nikoni kunahana nako yeñwi hape yekile yaba yende hahulu kufita cwale.”

51 Na mu talima kwa sifateho, mi Na li, “Muñaka, kana u sa ziba kuli wa shwa?”

52 Ki hali, “Muzwale Branham, Ni lobezi fa, ni libelezi fela kuli Yena a kwalule sikwalo mi atahe, ani ise kwa Hae ni Yena.” Kona nzila ya kushwa kayona. Kona mwa ku ezeza lika cwalo.

53 Mi sina ha mu ziba, kuli, mwendi liholo zepeli asika shwa kale. . . Na nzi, mwa koma, mwendi mazazi amabeli cwalo. Mi ha yo itetulula, ananuha mwa muzuzu, mi akala kuambola ni musala hae. Mi, hañi hañi fela, abonahala kuba ya belela. Mi a swala mwa mazoho, mwendi bukaufi ni hola cwalo kamba kufitelela, ababa shwile kale myaha ye mashumi amene kamba aketalizoho, bana tisize kwa puluso ba keleke ya hae. Aswalana mwa mazoho ni bomahe ni bondatahe. Kufitela ayoba ni. . . bupilo bwa zwa mwa mubili bwa hae, alobala fa musamo mi akena mwa buloko, mwa mazoho a Mulena Jesu. Hakuna zeswana sina ku Mu sebeleza, ku Mu libeleka.

54 Mi hane Ni ikambota ni yena muuna yoo, ni kubulela maikuto ani, Na li. Na li, “Muñaka, oh, kana haina kuba nako ya tabo ha lu ta yo Mubona? Oh, haiba Utaha kacenu!”

Ki hali, “Muzwale Branham, usike wa sabisa sicaba cwalo.”

Se nili, “U talusa ñi?”

55 Ki hali, “Oh, usike wa lika kubulelela sicaba kuli lifasi la taha, kamba Kreste wa taha. Li ka ba bilaeza.”

56 “Oh,” Na li, “awa. Kutela fateni. Ku baba Mu libelezi, ki likande lelinde hahulu le bakona ku utwa, kuli Jesu ufa kau fi ni kutaha ange Keleke ya Hae.” Bucembele bu ka cinciwa kuba bunca. Tabo ika fiwa mwa sibaka sa lififi. Bupilo bu ka fiwa mwa sibaka sa lifu. Zesashwi ku ze bola, lika cincana. Oh, ha ki nako ni yeo, kuziba kuli U ka taha!

57 Ne ba Mu libelezi. Neba Mu kulubela. Mi Ha yo taha, lwa fumana kuli nekuna ni likwata zepeli. Sikwata silisiñwi neli sa Hae, mi sesiñwi ne si Mu lwanisa.

58 Mi kona mo lu lifumanela cwalo kacenu. Zeo kona, kutaha kwa Hae, kamita ku kauhanyize sicaba. Nako kaufela, ha u fumana Jesu, uka fumana babali ni yena baba shutana ni Zona. Yani ki Satani. Mi, kacenu, ha lu nahana ka zona, ha luboni cincheo yetuna. Kinto yeswana fela. Sicaba si cincize, kono moya wa sicaba ha si ka cinca.

59 Konakuli mafelelezo ha ba yo talima fabuse bwa munyako ni ku Mubona ataha, apahamim mbongolo nyana yesweu, ki kabakaleo balutiwa hane bakalile ku—ku kuhuwa kuli, “Mubuso



wa Lihahimbu u fakauhi!” Sicaba sa mata ku yo Mu katanyeza, mi Jerusalema kaufela ayema maefe-efe. Kuna ni sesiñwi ka sona, Jesu ha taha, kamita kubanga nyungano. Mi munzi kaufela wa nyungana kuyema maefe-efe. Mi haba—haba kono ku li tibela.

<sup>60</sup> Mi bakutazi ba lizazi lani nebafile buikalabelo kwa nyungano tuna ye, kakuli neli kwa mukiti wa paseka. Mi ba huweleza bali, “Yo ki yena Mañi?” siyongili ha si butumuka, mi kutaha kwa Mulena Jesu, kwa Jerusalema, na nyungile sibaka ka ze ne libelezwi, kubonahala kuli baluti ne ba swanela kuziba ze ne ezahala. Ne ku bonahala kuli muprisita yomuhulu na lukela ku li ziba. Ne ku bonahala kuli baprisita babañwi kaufela ne ba lukela ku li ziba.

<sup>61</sup> Mi ha ku si ka cinca niheba hanyinyani, kacenu, kakuli Moya o Kenile no bulezi kale za Kutaha kwa Mulena Jesu. Mi sina Moya o Kenile ha ukala kuyambalakana mwa lifasi, mililo ya ancafazo i yakile, kai ni kai yatuka, lisupo zetuna ni ze komokisa li ezahalile, lifoliso lingile sibaka, bupolofita bu se buhasani. Kukopana kaufela kwa limbuyoti za buapositola kutahile mwa Keleke hape. Kacwalo, sina mo ne kuinezi nako yani, moya wa ya sa lumeli u sa huwa katata kuli, “Ki mañi Yoo?”

<sup>62</sup> Babañwi babona ne ba lumela ku Mulena Jesu, kubulela kuli Nali Mutu yomunde. Babañwi ba bona bali, “Ki Muuna yomunde.”

<sup>63</sup> Kona mo ba bulelela kacenu. Balika ku Mu beya sina Napoleon, muika mulwani. Balika ku Mu beya sina—sina George Washington, muuna ya sepahala. Kono Na fitelela zani.

<sup>64</sup> Kana mulemuhile palo ya Mañolo? Ba li, “Yo ki Mupolofita ya zwelela kwa Galilea.”

<sup>65</sup> Mi ba lika ku bulela nto yeswana kacenu, haba bona muzamao wa Mulena: ku kutisa kwa mulaho, kwa buiketo, bakuli ni bakuli; ku Mubona haitusisa Moya wa Hae mwa Keleke ya Hae, kuli alemuhe milelo ya sicaba; ku Mubona inza eza sina mwa Na ezelize asali mwa lifasi, kutaleleza sa Na bulezi kuli si ka nga sibaka; kiniti, likeleke ni sicaba sisweli, kubuza kuli, “Ki mañi Yoo?”

<sup>66</sup> Ne ba si ka utwisisa yoo Jesu nali yena, kakuli hakuna ni yomukana wa bona yana Mu ziba, ka likolo zabona. “Ki sikolo mañi kwa Na zwelezi? Ki sikolo mañi mañi sa lituto za bulapeli Ko azwelela?”

<sup>67</sup> Mi kona mo kuinezi kacenu. Buñata bwa batu baba tozizwe ka Moya o Kenile ne ba si ka zwelela kwa sikolo sa bulapeli kaufela. Ki libyana za kuiketela kwa Mulimu kasibili. Kono lisupo ni limakazo, ni ze komokisa ze ne sepisizwe mwa Bibebe, ku zamaelela hamoho ni Moya o Kenile ha U nzo zamaya mwahala sicaba.

68 Mi ba bulela kacenu kuli, “Ki sikolo mañi ko azwelezi?” U sa kena fela mwa munzi, kuba ni ancafazo, “Ki kopano mañi ko zwelela?”

69 Ne ni bile lipuzo musihali la Bufaifi, ni muprisita wa Roman Catholic yazwa kwa keleke ya Irish mwa Louisville. Mi ne Ni sika zibahaliswa ku yena, sina muuna ya itutile, ki hali, “Bo. Branham, u inzi ni kopano mañi?”

Na li, “Ha ni fumanehi ku ifi kaufela.”

Mi ki ha bulela, kuli, “Kikuli no beilwe fa bukutazi?”

Se nili, “Eeni, sha.”

Mi ali, “Ki mañi ya kubeile fa bulumiwa?”

70 Na li, “Mulena Jesu kiyena ya ni file Moya o Kenile, ku kutaza Evangeli, mi a nifa tumo.” Kihande, kona ku kakulwa kwa bulumiwa ko lutokwa.

71 Jesu na si ka bulelela balutiwa ba Hae kuli, “Muye kwa . . .” Ha ni lwanisi lika zeo, kono libile tñi mwa lizazi za lona. Na si ka bulela kuli, “Muye, mu yo bala kuli ube mulumiwa, ka myaha *yemiñata-ñata* cwalo.”

72 Ki hali, “Mulibelele mwa munzi wa Jerusalema, kufitela mutala ka Mata a zwelela kwa Lihalimu.” Na bulelezi zeo kwa batu bene ba sa koni kuñola niheba mabizo a bona. “Mi kasumulaho wa se, Moya o Kenile utaha fahalimwa mina, kona mu kaba lipaki za Ka, kukalela kwa Jerusalema, Judea, Samaria, ni kwa mafelelezo a lifasi.” Yeo kona tumo ya musebezi.

73 Haluna piho ya Jesu kuli akile aya kwa sikolo sifi kaufela, kamba kufeza lituto za hae za bulapeli. Ibo, se kubile likolo zeñata za bulapeli ze tahile mwa Libizo la Hae, bakeñisa misebezi ya bulapeli, kufita mo kubezi kwa—litaba zeñwi kaufela zekile za ba mwa lifasi. Ha lu sikaba ni—ni piho yekana ya Hae kuli akile aya kwa sikolo. Kono, he, kubile likolo zeñata ze yahilwe mwa Libizo la Hae kufita mo kuinezi mwa libizo lifi kaufela mwatasi a lihalimu, ku za likolo. Ha lu si ka Mu zibela ka za kuñola buka. Ibo, kuna ni libuka zeñata hahulu ze ñozwi ka Yena kufita libuka zeñwi kaufela zekile zañolwa fateni. Mi, kacenu, Bibeleya ya Hae kona Buka ye zibahala hahulu ku zeliteni mwa lifasi kaufela, mwahala libuka kamukana.

74 Kono, mwa bona, mwa lizazi la kupotelwa, ba huwa bali, “Ki mañi Yoo?”

75 Mwabona, Mulimu unga sika se si bonahala inge kuli hakuna, kuli aeze sika fateni. Kona se si Mu eza kuba Mulimu.

76 Mi ha ba Mubona ataha, akena mwa munyako apahami, babañwi babona bali, “Ki Mutu yomutuna.”

77 Ba bulelanga cwalo kacenu. Kuna ni baluti ba za bulapeli, kacenu, babali Jesu neli Mutu yomutuna, kuli Na li Muuna yomunde. Babañwi ba bona babulela kuli Ki mupolofita. Cwale,

haiba Na li fela mupolofita, kamba Muuna yomunde, lu mwa libi zaluna. Na fita mupolofita. Na fita Mutu yomunde. Ibo, Na li Muuna younde. Ibo, Na li Mulimu-Mupolofita. Kono Na fitelela zeo mane. Nali Mulimu ya bonahalile mwa nama, kuli atakule sibi.

<sup>78</sup> Mi sina ha Na taha, inza pahami mbongolo, undi wa nyangela bwali, “Ki Mufolisi. Oh, lu Muboni ha tutubula meto a libofu. Lu Muboni ha konisa lihole kuzamaya. Lu Muboni ha lapelela, ni fibeke yazwa ku mwana.” Kono, cwale, mifuta yani ne isweli fela ku Mu latelela ka linkwa ni litapi.

<sup>79</sup> Mi kona mo bainezi batu ba kacenu, babañata. Haiba kuna ni mufolisi, kupalañi, baka—baka Mu latelela, mi Yena ki—Yena ki sibuba fela luli. Ha ba ka kula, ba mata, bali, “Oh, shangwe taha u ni lapelele kwateni, kuli Mulena Jesu ani folise?” Mi a sa lukulula fela mwa sipatela, kamba mumbeta wa matuku, ukutela kapili hape mwa lifasi, inge nja kwa mataza a yona, kamba kulube kwa sileze sa yona, sina Mañolo mwa bulelezi. Ba Mu latelela fela bakeñisa zende ze ba kona ku amuhela ku Yena. Ba itusisa Yena inge fela kota ya mulamu, kamba—kamba sesiñwi se—se bakona kunga ku Yena, mi ha ba kulubeli ku Mu sebeleza. Nyangela i sa zwelapili ona cwalo ni kacenu.

<sup>80</sup> Nekuna ni ba mbingwa baba naini ba ba folisizwe, mi alimuñwi akuta ku Yena ku to itumela. Kamba neli lishumi bani? Bona, ufi ni ufi wabona, ba kuta ku to Mu lumbeka, mi babañwi ba bona bazwelapili, kusina kuitumela.

<sup>81</sup> Mi haiba sicaba mwa America, baba folisizwe ka Mata a Mulimu, bakona kufetula lipilu zabona ku Mulimu, nekukaba ancafazo mwa naha ye yekona kukwala mupanda wa manwelo kaufela, okona ku . . . Lintolo za libyana ni lintolo za macwala nelikazwa mwa ponahazo. Likeleke ne li ka tala. Libaka za macwala likona kuba mukungulu la Sunda busihu. Mi kukona kuba ancafazo mwa sicaba, mwa naha kaufela. Kono ha ba li bona liezahala, litaba zeo Mulimu aezanga, ba sa huweleza, “Ki mañi Yoo? Ki mañi yo ya taha? Ba zwelezi kai? Ki mañi yoo? Ze liezwa ka mata a cwani?”

<sup>82</sup> Hanina kulibala, kwa Johannesburg, South Africa. Kona hane ni sa zo punya fela, mwendi mizuzu ye mashumi amalalu, kwa fulai. Ne ni bile mazazi amalalu ni masihu mwahalimu, ne ni katezi maswe mane Na palelwa kuyema. Ba—ba ni isa kwa libaka zende ko ne ku putehanezi batu ba bakona kueza fifite kamba sikisite sauzande bakopani. Mi ha ni yo fita fela fa katala, kuli Moya o Kenile . . . Na bona, kutaha mwa sibaka sani, neli—neli mbasi. Neina ni sisupo ku yona kuli, “Durban.” Na bona mutangana yanasweli ku omana ni kuhohana ni bondatahe ni bomahe, wa lihutu leliñwi leli kuswani ka ma inci a sikisi kamba eiti ku leliñwi. Na apezi hembe yesweu, ni mihala yeñomelisa bulukwe ibeilwe fa maheta. Mi Na mubona mutangana yani. Na

talima kwa mulaho. Pono ya ni siya. Mi cwale, fa nako nyana fela, Na bona Liseli le li nyendaela fahalimwa mutangana yani, kwa mulaho mwa sicaba. Mi Na talima. Na hupula kuli, “Ni kile na mubona kokuñwi.” Na mu bona, mi Liseli lani lazwelapili ku lepelela fahalimwa hae mizuzu nyana cwalo. Mi Ne ni libelezi mutoloki kuli aswale manzwi atatama. Mi Na bona mutangana ato yema, mi ayumba milamu ya hae, mi lihutu la hae leli kuswani ka mainci a sikisi la likanelela hande ni leliñwi.

<sup>83</sup> Mi Na li ku Bo. A. J. Schoeman; yali mwa Kanya, busihu boo. Na li, “Bo. Schoeman, aku ni utwisise hande. Ki pono.”

Ki hali, “Kihande luli.”

<sup>84</sup> Mi Na li, “Mutangana yani uinezi kwa mulaho kwani ni hembe yesweu, yena ni mihala fa maheta, na zwelela kwa muleneñi obizwa Durban, limaili mianda ye fifitini mwa naha, ka mbasi. Mi nana ni kuya kwahule ni bondatahe ni bomahe, kuli batahe. Kono u lumezi ku Mulena Jesu, mi una ni lihutu lelikuswani ka mainci a sikisi kufita leliñwi.”

<sup>85</sup> Mi mutangana yani atulela mwahalimu. Kiyani nali fani, inza yemi ulika kuswala milamu ya hae. Mi Na li, “Mutangana tuwe, Mulena Jesu u ku folisize.” Mi kapili fela lihutu la hae la otoloha ka mainci a silezi, kuba fela hande, sina babañwi kaufela. Mi batisa mutangana kwapili, mi madokota ba mu tatuba kwani. Mwabona siswaniso sa hae mwa buka.

<sup>86</sup> Ne ni yemi kwani fa mizuzu fela, Na bona nako nyana fela, mota ya mubala wa girini inge imata mwa mukwakwa, mi ya tela. Ya pindumuka, kukuta kwa mulaho, mi a punka mwa kota. Mutangana, yana ni, musizana wa milili yemi fubelu. . . yana nani mukokoto o lobile. Mi Na li, “Na bona mota, nyana ya mubala wa girini yene pindumukile ni kunata mwa kota, mi musizana yomunyinyani wa milili yemifubelu wa myaha ye eitini ya kupepwa alobeha mukokoto. U mwa buino bo bu maswe.” Hakuna ya na alabile. Mi Na palewa ku mubona kai ni kai sibaka sani, sicaba sesiñata hahulu. Mi Na yema fani ka mizuzu yelikani fela. Na li, “Muutwisise. Ki. . . Musike mwakala ku akaleza. Ki Mulena Jesu, mwa Mata a zuho. A luma Moya o Kenile kuli uzwisezepili musebezi wa Hae.” Mi kwani Na bona pono yani inge ikutela hande ni hande. Mi Ne ni si ka mubona musizana yani.

<sup>87</sup> Mi ona fani fela, inge ayemi fapili aka, ona fani kwayema Liseli, sina mo mu bonela mwa siswaniso. Mi La yema fa. Na ya kwani, mi teñi kwani musizana ayema, fa katala fani. Na li, “Musizana tuwe, Mulena Jesu wa ku folisa.” Mi akalisa kulila.

<sup>88</sup> Bomahe bali, “Oh, batili! Usike wa mu bulelela kuli ayeme!” Ali, “Haiba uka shenya, uka shwa.”

<sup>89</sup> Mi musizana nyana yani ayema ka mahutu, a huwa, ni kulumbeka Mulimu. Mi bomahe ba welela ni kuwela mwa kambeta kao fana lobezi musizana fani.

Ki nto mañi yeo?

<sup>90</sup> Ka yona nako yani, muuna yomuñwi wa likañi ayema, mi ayema ka lihutu leliñwi fa sipula, mi babañwi ba bulela kuli, “Wena, mu American! Na mi kalimela kuli mu ni bulelele Libizo le mueza ka sona! Mi ki kopano mañi ko fumaneha?” Mwabona?

<sup>91</sup> Ki nto yeswana fela. Ha ba utwisisi. Ha ba libeleli litaba ze. Likeleke ha li libeleli Kutaha kwa Mulena. Mi Moya o Kenile fa wa paka Kutaha kwa Hae, kuli Li talelezwe. Halulu luli . . .

Mañi ni mañi ubata kuba mwa nzila ya hae. Kona ona cwalo mo kuinezi kwani. Sikwata ni sikwata kaufela mulelo wa sona.

<sup>92</sup> Kono yeo haki yona puzo busihu cwana. Zeo ha ki zona ze Ni ambola. Kono puzo ye Ni mi buza, ki kuli, u nahana sikamañi ka Zeo? Li ama mina. Ki mañi Yoo yaya inza pahama ni kushetumuka mwa linaha? Haki batu. Batu habakoni kueza lika zee. Ki mañi Yo ya bulela ni kuambola kwa sicaba kwa nyangela, sina, “Bainzi *kwanu*, ni *kwanu*,” ni libaka zeshutana mwa mukopano, kanti basali ni baana batiswa mwateni mo, inge bashwa? Ki yena Mañi?

<sup>93</sup> Kalibe nyana yana zamaile kukena mwa siliba sa ku kolobezeza kakusasana cwana, kuli lisunda zetalu kwa mulaho, na bulaiwa ki kansa yamwa mata a mubili, upila kwanu kwa Maple Street, Bo. Baity. Mi Na buza madokota babalalu bene bali ni yena. Nasina kolo ni yekana ya kupila, ni bana babane kamba ba baketalizoho, mi bomahe balika kuba babalela. Boma bali, “Bill, ha na kutaha kwa hae hape.”

<sup>94</sup> Mi Na ya kwa nainezi, mi Mulena Jesu abulela, “SA BULELA MULENA KISONA, haiba ukaya kwa keleke ni kusepisa kuli uka kolobezwa ka Libizo la Jesu, ni kusebeleza Mulimu, ukaya kwa hae, aiketile hande.”

Mi Na mu buza kuli, “Kikuli uka eza taba ye, kalibe?”

<sup>95</sup> Mi ki hali, “Kaufela zo ka bulela, Ni ka eza.” Onafani kapili kuopa kwa musiya. Mazazi amalalu kasamulaho, nali kwa hae, mi madokota ha ba koni kufumana mufunda wa kansa.

<sup>96</sup> Ki mañi Yo ya taha ka Libizo la Mulena? Ki mañi Yo? Ki Moya o Kenile wa Mulimu. Una ni mubonelo o cwani ka Ona? Una ni mubonelo o cwani, ka kuziba mulisana hao? Mi ka kuina mwa lipula ze mo, sicaba se si zwa kwande a tolopo, babana ni matuku a kanono, babapila ni . . . Kiyu muuna yainzi fa, kokuñwi fa, ki ndatetuna wa Mennonite muzwale, ona fa, yakatazwa ki kanono. Ne ni sika muziba kamba ku mubona, hakuna sika ka sona. Mi hañi hañi fela, mwendi ka myaha yemibeli yefitile, Na sepa, kamba yeñwi cwalo, eeh, ki myaha yemibeli, Moya o Kenile wa lishitula, ni kubulela kuli “SA BULELA MULENA KISONA.” Asika kula fateni kuzwelela nako yani. Ki mañi Yo? Ki mañi Yo?

<sup>97</sup> Musali yoo nainzi mo, Sunda yefelile, nako ya mafelelezo hane Nili kwanu, ba zwelela kokuñwi kwa Illinois. Zazi lelitatama. . . Ni sitombo sesituna mwa mubili wa hae, sene si li butuna luli. Mi babañwi ba baituti ba sayansi mwa Illinois na muisize kwa sipatela sesituna kuli ayo pazuliwa, la Mubulo. Mi a ikapeleza kukena mwahali. Ne ni si ka mubona kale fateni kamba ku utwa za hae, mwa bupilo bwaka kaufela. Mi hañihañi fela, Moya o Kenile wa muapesa ka muluti, mi Wa mu bulelela yo nali yena, kwa na zwelela, mi nana kuya kwa kupazuliwa habusa. Mi ba bakai mo bene baliteni, kuli babone sani? [Kopano ili, “Amen.”—Mu.] Ni kubona makande a hasana kububaana. Habusa, ha yo ya ku dokota, ba muisa kuzwa sipatela se kuya ku sesiñwi, mi ba palezwi kufumana neba mutala wateni.

<sup>98</sup> Ki mañi Yo? Oh, Mulimu, ube ni makeke! Ki mañi Yo ya eza lika ze? Kikuli wakona kunyamatala kubulela kuli ki mulisana wa hao? Batili. Kana wakona kunyamatala kubulela sika ka zona? Batili. Ki Moya o Kenile, Moya o noli ku Mulena luna Jesu. Mi kutaha kwa Hae ku to kopanya Keleke ya Hae, u sutelezi hahulu kuli U hasanya Liseli la Hae leli tuna le li kenile, kuli a liulule, ni kutisa mwa kutwano, Keleke ya Mulimu yapila, kakuli Kuungelwa ku fakaufi. Amen!

<sup>99</sup> Ki mañi Yo? Ha nikoni kualaba puzo ya hao. Ha nikoni ku kualabela. Kono Ni kona ku ikalabela zaka. mi ona fa sipula se si kenile se, busihu boo, mwa lizebe za se tamahano ye, mi bona—bona baba lekilwe ka Mali Jesu Mulena luna, Ni bulela taba ye kuzwelela kwa pilu yaka. Isiñi kuli Ni alimuñwi wa mina, isiñi kuli Ni ya shutani kwateni, kono ni alimuñwi wa baba liuluzwi baba tapile mwa Mali. Ni lumela kuli lona Liseli leliswana lani le li nyendaela mwa kekeke mo, busihu cwana, ona Lani kona leli kwahela ka muluti, ka sibupeho sa Lona, kuli Ki Jesu Kreste, mwa mufuta wa Moya o Kenile.

<sup>100</sup> Mañi kaufela ya ziba Mañolo, uziba kuli Jesu naize, “Ni zwile ku Mulimu, mi Ni kutela ku Mulimu.” A si Ka eza kale nama, fani ha Na li ni Mushe mwa lihalaupa, Na li Siita sa Mulilo. Mi Mushe ha na batile kuli a Mubone, A fitisa mukokoto wa Hae ku yena. Mi Mushe ali, “U bonahala inge Mutu.” Ha Na li fa lifasi fa, Na li Mutu. A eza lika zeswana Za sweli kueza, kacenu, ka batu Ba liuluzi. Ki Yani ataha mi aba ni kuswaniswa fa siswaniso sa Hae. Ki sikamañi seo?

<sup>101</sup> Kasamulaho wa lifu la Hae, kupumbekwa ni zuho, Paulusi nali mwa musipili wa hae kuliba kwa Damaseka, zazi leliñwi, ni Liseli lelituna la mu wisa. Baana bani bene bali niyena ne ba si ka bona Liseli. Kono La to nata Paulusi ku mu wiseza fafasi, kufitela Li mu fiufaza. Aba ni butata bwa meto bupilo bwa hae kaufela kuzwa fani. Mi abulela nako yeñwi kuli, “Ha ki kuli Ni ikuhumuse ka buñata bwa sinulo yefilwe ku na,” muutwa mwa mubili wa hae, mulumiwa wa Satani, kuli amu nyandise. Kakuli neli buñata bwa sinulo.

102 Mi cwale Paulusi a bitelwa fafasi, mwa musipili wa hae ku yo nyandisa sicaba se ne sitaza hahulu lilata; sikwata se si pepilwe sinca, sicaba sene si bizwa bahanyezi. Paulusi nali mwa musipili wa hae ku yo nyandisa bani, ni mapampili mwa pokoto ya hae, ku yo tama bona ni ku ba tisa kwa Jerusalema. Mi mwendi mwa nako ya musihali, kwa taha Liseli fafasi, lene li mu wiselize fafasi kuyema ka mahutu, kuwela fa mubu, mi awela mwa liluli la lifasi. Kwa taha Linzwi kuzwa mwa Liseli lani, lali, “Saule, Saule, kiñi so Ni nyandiseza?”

103 Mi Saule afetauha, mwa buino bwa bubofu bwa hae, atalima mwahalimu. Mi abona lona, Liseli lelituna lelinde. Mi ki hali, “Mulena, Ki Wena mañi?”

104 Ki hali, “Kina Jesu. Ni zwiel ku Mulimu; Ni kutela ku Mulimu. Ni zwile ku Mulimu; Ni kutela ku Mulimu.” Ki hali, “Kutata kuli u lahake kwa miwayo.”

105 Sinulo iliñwi fa sibaka sesinde sani, nako iliñwi fa sibaka sani, mutu hakoni kuswana. Mutu, a si ka ipiza kale Mukreste, a si ka itibahaza kale, u lukela kuba ni kutwisiso ya kuba kwa mulaho wa lihalaupa, ko akile akopana ni Mulimu, pata ni pata.

106 Kakuli, kacenu, wakona kuba ni kalabo ya mufuta kaufela. Mwakona kubona Mulena haeza ona cwalo sina mwa Na bulelezi kuli uka eza, mi baituti ba za bulapeli ba ka Li tolokela musili. Ba ka li, “Zeo ki za lizazi lisili. Ne li za se. Kamba, Ki za lusika lusili. Kamba, Li fosahalile.” Inge mo ne ba bulelela ka Jesu, “Ki Baalebubi, ki diabulosi. Ki munuhi.” Ni lika zani kaufela, bana ni kalabo.

107 Kono cwale mutu ha sa tahile mwa tamahano ni Kreste, ni ku Mubona sina Paulusi mwa na bezi, kamba kuba ni kutwisiso ya Hae, hakuna baituti babañata ba za bulapeli mwa lifasi babakona kutatulula zeo musili ku mutu yoo.

108 Leo kona libaka, kacenu, habana kutwisiso. Kona libaka ha ba ka bulela. . . kaufela ba bulela kuli, “Ki mañi Yoo? Se Ki sikamañi? Li zwelela kai Ze?” Ha ba na kalabo. Kiñi? Kakuli, kaufela se ba ziba ki lituto za bulapeli ze i ezize kelek yeñwi. Isiñi kuli “kuziba za bulapeli” kona Bupilo. Isiñi kuli, “kuziba Bible” kona Bupilo.

109 Kono “ku muziba Yena” kona Bupilo. “Ku mu ziba Yena” kuba Mupulusi wa hao ya kukonka, sina Yena Ya ku talize ka Kubateni kwa Hae. No liteni ha li ezahala. Hakuna yakona ku Li zwisa ku wena. Hakuna yakona ku ku amuha Zona. Kutwisiso yeo ha se itile ku wena, u ziba Yo ali Yena. Ku na, Yena ki Jesu Kreste yaswana maabani, kacenu, ni kuyakuile.

110 Ki mañi yo yasweli kueza limakazo zee? Ki mañi yo yasweli kueza misebezi yemituna yee? Kana ki mukutazi nji? Kana ki Oral Robert? Kana ki Billy Graham nji? Kana ki Jack Schuler nji? William Braham nji? Kaufela yo akona kuba yena, hakuna zebana ni ku zona. Ki libelekiso fela.

111 Ki Moya o Kenile otaha cwalo ka Evangeli, mwa lisupo ni ze komokisa ni limakazo, kuli li lukise sicaba. Moya utezi fela ka tibeledo, ni balibeleli balibelezi Yena kuli a tahe.

112 Mi babañwi ba bulela kuli, “Kiñi liancafazo zee? Kiñi haluna ni zona? Ha lu tohamanyeni hande za keleke.” Kiñi, se ku bulezwi mwa keleke ona mo, kuli, ha lukalisa kuyaha keleke yenca, bali, “Ha lu tokwi limakazo. Ha lu tokwi litaba ze nihanyinyani. Haiba mwa libata, muzwele kwande mwa masimu ko li ezahalelanga. Ha lu li tokwi mwahali mo.” Kanti Branham Tabernacle itibile hahulu mwa sibaka sa mwatasi, i totobezi.

113 Keleke ye i tomilwe fa milao ni Mata a Evangeli ya Jesu Kreste. Mi haibile fela tabernakele ye i sa yemi, mi cwale Moya o Kenile o kanya uswale mioyo, kuli upiliseze, ni kutaza ka Moya o Kenile, ni kufolisa bakuli. Ku na, Ki Jesu Kreste ya swana maabani, kacenu, ni kuyakuile.

Ha lu lapeleñi.

114 Haiba ha u zibi kuli ki Yena Mañi, ha u zibi kuli se si talusa sikamañi, mi uka tabela kuziba cwalo, kikuli mu ka eza hande kunanula lizoho? Ni kubulela, ka kunanula lizoho la hao kuli, “Ni lapelele kwateni, Muzwale Branham, kuli Ni Mu zibe.” Mi Mulena ami fuyole. Ni libaka kaufela, Na bona mazoho a mina.

115 Cwale, Ndate yakwa Lihalimu, lutisa Liñusa le, mi miselo ya sicaba inazi mazoho abona, kuli ba tabela kuziba Yo ali Yena. Ba tabela ku zibana hande ni yena Jesu yomutuna yoo. Kuli, Kutaha kwa Hae, kwa zuho, ku sutelezi hahulu, kufitela bakuli bakalisa kufoliswa. Mi kasamulaho seo ha se si ezahalile, kipeto sipolofita sa taha mwa Keleke, mi limpo ni limakazo, cwale kwa sisupo sa mafelelezo sani. Nako yetatama ika taha, Kungelwa, Keleke ika ngelwa. Mi luna, Mulena, baba ipapata kuli ba Ku ziba mwa Mata a zuho ya Hao, lu libelezi, mi lu nyolezwi, ni kulila, ni ku kupelela, “Taha, Mulena Jesu!”

116 Ingela Keleke ya Hao mi Izamaye kabubebe, kapili, Mulena. Kakuli, cwale, batu ba ka pancisa lifasi lona lo No bupile kuli bapile kulona, kakuli ba Ku hanyelize. Ha ba si ka bala za kozo, kono ki za ndwa. Ha ba si ka bala za kuluka, kono ba balisize za bunyefuli. Kuli mane kaufela bona habana kuba ni takazo yakulata kubusa! Mulena, sibaka nyana sani mwa lipilu zabona se si ba tiseza kuba ni tala ya kubusa, balika ku li katulusa hande mwa sibaka sesiñwi sa kupangapanga, kuli bali panciseze mutu.

117 Mulimu, haiba bakona fela kulemuha ona mata ani ko alukela kubela ki Mata a zuho ya Mwana Mulimu, ki Mata a Moya o Kenile ocinca bupilo bwa bona; isiñi kupancisa linaha, kono bacinca bupilo bwabona ni kuba eza kuba batanga ba Hao.

118 Batu ba bañata, ba taselizwe ka maikuto aipitezi, li lu zibahalisa kwa sikwata sa “ku sa ziba lika,” mi—mi sina “basomi,” sina mo ne ba ezelize mwa lizazi lapili. Kono sina ha ba yo kuta, kunyakalala, ku itumela ku Wena kuli ba lwale



linyefulo za Libizo la Hao. Ao kona maikuto a bana ba Hao, busihu cwana, Mulena, kai ni kai. Lu tabile fela.

<sup>119</sup> Babañwi mwa lizazi la Hao ne ba likile ku itibahaza ni Wena. Se bali, “Ki mulikani wa mutu wa mishitu yani, Joani, ya na zwelela mwa lihalaupa mane asina liapalo, neli fela litalo la ngu la na apezi. Mutu wa mishitu yani a bulela manzwi amañwi, upa ni wiko, mi ali, ‘Silepe se si yendekilwe kwa kota.’” Ali, “Ki mu—mu mulateleli wa hae. Ki muuna wa naheñi. Ki sipulumuki. U lyangani mwa toho ya Hae.” Bulumiwa bo buipitezi bo ne buli ni Wena, O Mulena, bwa fougaza meto ani.

<sup>120</sup> Mi ona cwalo kona mo ku inezi kacenu: Ona Moya o Kenile omutuna wo osweli kutwaleta Kutaha kwa Mulena, sina Joani mwa na ezelize mwa lizazi la hae, kufougaza sicaba, ku ba ba sa lati kubona. Kono haili ku bani baba tabela kubona, Wena u ba ketile. “Mi kaufela bao Ndate a Ni file ba ka taha ku Na,” U ize, “mi hakuna niheba alimuñwi wabona ya ka latela. Mi Ni ka mu zusa ka lizazi la mafelelezo.” Lwa itumela ku Wena ka se.

<sup>121</sup> Mi bona baba nanuzi mazoho abona, busihu boo, lwa lapela, O Mulena Mulimu, kuli Wena uitibahaze Iliwena ku bona, mwa kutwisiso, mwa Pata a zuho. Lumeleza cwalo, Mulena.

<sup>122</sup> Mi babañwi bakona kuba mo, baba si ka nanula mazoho abona, kono ibo, mwa lipilu zabona, ba ziba kuli ba itokwa. Ni lapela kuli U ba fuyole, ni kufa kubona takazo ya lipilu zabona.

<sup>123</sup> Ha lu ka zwa mwa muyaho mo, busihu cwana, lu zamaye sina batu ba bashutana. Luye ni mulelo oshutana kufita olubile ni ona, ha lukeni mwahali, haiba no shutana kwa tato ya Hao ye Pahami. Lukone kuzwa luye ni ciseho ya kuswala kwa manaka a aletare, kufitela mioyo yaluna ikuliswa kuli lubile ni kutwisiso ni Wena, mi luziba Yo luambola fateni, kakuli lu Mu katani ni ku Mu ziba, mane luna ni kutwano ni Yena. Lumeleza litaba ze, Ndate. Folisa bakuli ni baba ziyelehile.

<sup>124</sup> Fuyola mulisana waluna yomunde mi ya lateha. Mulimu, lu lapela kuli Ube ni yena ni likezeli za hae zende, habanze baopela Evangeli, ni ku Li kutaza mwa silimba sa bona.

<sup>125</sup> Fuyola baenyi babali mwa minyako yaluna. Mulena, ha ba zwele kwande, busihu boo, ka ciseho yetuna mwa lipilu zabona, ni mulelo wa kuli bona, kuzwa ka hola ye kuya kwapili, haiba ha ba Ku zibi mi ha ba si ka Ku sebeleza, fateni, ha ba Ku sebeleze. Ka kuziba cwana, kuli, “Lika zeñwi kaufela li kaba za mbango, kono Linzwi la Mulena li ka siyala kuyakuile.” Lumeleza cwalo, Ndate.

<sup>126</sup> Lu swalele, libi za luna kaufela. Mi lu kopaneleñi ko kutuna . . . [Hakuna manzwi fa tepu—Mu.]

Kakuli U ni latile  
Ni kuleka puluso yaka  
Fa Kalvari.

<sup>127</sup> Cwale, kasamulaho wa Liñusa, ha lu inamiseñi litho zaluna ni ku Mu lapela, halunze lu opelela ku Yena.

Na Mu lata, (ka lipilu za mina kaufela) Na Mu  
lata  
Kakuli U ni latile  
Ni kuleka puluso yaka  
Fa Kalvari.

<sup>128</sup> Ki ba bakai luli baba Mu lata? Aku nanule lizoho la hao, bulela cwalo ka kuba paki, “Na Mu lata.” Oh, kana Ha ki yomunde nji? [Puteho ili, “Amen.”—Mu.] Mwa ziba, Ni tabela fela kuinanga cwana ni kunwa fela, cwalo, kwa Kubateni kwa Hae. Linzwi la Hae, li utwahalile, Li wezi mwa lipilu. La lu sikulula. Li lutisa mwa zamaiso ya Moya wa Hae. Ha ki bunde ni boo ku Mu lapela fela kanti! Cwale, hamunze muzwa mwa keleke, busihu boo, muzamaye, mu Mu lapele.

<sup>129</sup> Mi muhupule, sunda yee, kuna ni mukopano wa tapelo mo la Bulalu busihu. Musike mwa libala papazo fa silimba sa Muzwale Neville la Sunda, kamba la Pelekelo, ka naini kiloko, fa mpwito ya WLRP. Na tabelanga fela ku ba teezeza, mina boo? Ki babane, kamba babalalu, ba utwahala hande luli. Musala ka ni Na, ni banana, kaufela lunganga kalimba kaluna ni kuzwela fande lu—lu yo ka beya mwahali, kuteezeza ku Muzwale Neville ni sikwata sa hae fa silimba, mi manzwi a ahe amande, a ka mo a pahamiseza Mulimu yo alata ni kulumela. Musike mwa bulela se ku . . .

<sup>130</sup> Mina baenyi mo, haiba hamuna keleke kwa malapa amina, mutahe mu kopanange ni luna. Na mi bulelela, ha ni buleli cwalo kakuli uteni mo. Batili, sha. Ni bulezi cwalo, linako zeñata. Ni lata Muzwale Neville. Yoo, pili, ki munituti wa za bulapeli. Nto yapili, ki mwana a Mulimu. Nto yetatama, wa swana zazi ni zazi. Ni mu zibile seli myaha cwale. Ha si ka cinca fateni, niheba hanyinyani. U sali yena Orman Neville, mutanga a Mulena Jesu. Mi Ninahana kuli una ni . . .

<sup>131</sup> Busihu bobuñwi, Na mu biza, ku mubuza haiba na si kaba, mwa tukiso ya hae, haiba na ka lu lukiseza sibaka sa kutaha ku to lapelela bakuli. Nekuna ni bene bataha mwateni, kakusasana cwana, mwa ziba. Mi musala hae a alaba luwaile, mi Ne ni sweli kuambola ni musala ka, yainezi kwa mulaho kwani, ka zona.

<sup>132</sup> Ni ka mo luitumela ku Mulimu ka musala hae yomunde yomunyinyani ni lubasi lwa hae. Zeo ki zende luli. Ha mubona mukutazi ni musala hae ba utwana cwalo, mwa bunde ni buishuwi, seo sieza fela keleke kuzamaya mwa bunde fela cwalo. Seo siba fela munati kuya ka mazazi mo atahela.

<sup>133</sup> Mwa Mu lata ka lipilu zamina kaufela? [Kopano ili, “Amen.”—Mu.] Ku lukile. Luna ni pina ye lu lukuluhanga ka yona yetwi, *Unge Libizo La Jesu Ko Uya*. Mi aku lufe munembo nyana, kezeli, haiba una ni yona mwa buka. Mi luka opela pina

yaluna yakwa ka yona. Mi ha lu ta opela timana ya pili, lubata ku fetuhela kwa ni kwa, lu swalane mwa mazoho. Ku lukile. Lu fe munembo kifoo.

. . . Libizo la Jesu ni wena,  
Mwana wa manyando ni bumai;  
Li ka kufa tabo ni nyakalalo,  
U linge kaufela ko uya.

Libizo Lelinde, O kwa munati!  
Sepo ya lifasi ni tabo ya Lihalimu;

Mulimu aku fuyole, muzwale.

Libizo Lelinde, O kwa munati!  
Sepo ya lifasi ni tabo ya Lihalimu.

Halungeni timana ye cwale.

Ka Libizo la Jesu lwa kubama,  
Luwa ka mañwele kwa mautu a Hae,  
Mulena wa malena mwa Lihalimu lu ka Mu  
apesa mushukwe,  
Fo musipili wa luna ufela.

Hanili zeo li ka yo tabisa?

Libizo, Lelinde nde, O kwa munati!  
Sepo ya lifasi ni tabo ya Lihalimu;  
Libizo Lelinde, (Libizo lelinde) o kwa munati!  
Sepo ya lifasi ni tabo ya . . .

<sup>134</sup> Ki babakai baba hupula kapina kaluna ko ne luopelanga kuli, *U Si Libali Tapelo Ya Lubasi?* Mwa i hupula? Ha ni. . . Thelma, hani zibi haiba wa i ziba yeo, kamba munembo wayona, kamabe nee? Ha lu i likeñi. Kikuli ha mu i hupuli? Halu. . . Mwendu Ni i like hape ni mina.

Usi libali tapelo ya lubasi,  
Jesu ubata ku ku katanyeza teñi;  
Uka felisa lipilaelo za hao kaufela,  
Oh, mu si libali tapelo ya lubasi.

<sup>135</sup> Ki ba bakai baba banga ni litapelo mwa lubasi? Zeo ki zende. Ha lu ilikeni hape. Ni ka i teezeza kwa mulaho kwanu. Na lata cwalo. Kaufela hamoho cwale.


Usi—musi libali tapelo ya lubasi,  
Jesu ubata ku ku katanyeza teñi;  
U ka felisa lipilaelo za hao kaufela,  
Oh, u si libali tapelo ya lubasi.

<sup>136</sup> O Mulena, ku ñozwi mwa Mañolo, kuli ne bangile fa mubili wa Paulusi masila ni litaulo, mane mioya ye masila ne izwa mwa sicaba, ni matuku na foliswa. Lwa lapela, O Mulena, mufuta o cwalo, busihu boo, sina ha Ni li lumela kwa bakuli. Kwande koo mwa libaka zeo, kuna ni ya libelezi ni kulitela taba ye ku ezahala.

Na lapela, Ndate, kuli U li lumeleze ka Libizo la Jesu, Mwana Hao. Amen.

<sup>137</sup> Cwale Ni ka kupa, hanze lu inamisa litho zaluna, haiba Muzwale Smith yomunde, yazwa kwa Church of God, yo lu fumani, inge fela Muzwale Neville fa, kuli abe ya ishuwile, ya sepahala, mutanga a Mulimu, Ni ka mu kupa kuli ami kupele limbuyoti, kuzwelapili mwa sunda yee. Mulimu ami fuyole, kufitela lu bonana hape.

<sup>138</sup> Muzwale Smith. [Muzwale Smith wa lapela—Mu.] Ee, Mulena. Lumeleza cwalo, Mulena. Ee. Ee. Ee. Ee. Amen.

<sup>139</sup> Muswalane mwa mazoho. Mu amuhezwi hape, ku kutela kwa tabernakele. Mulimu ami fuyole. 

*KI MAÑI YOO?* LOZ59-0510E

(Who Is This?)

Liñusa le ka Muzwale William Marrion Branham, neli kotalizwe lwa pili mwa Sikuwa ka Lizazi la Bahame, la Sunda manzibwana, Kandao 10, 1959, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)